



Nihkanapasultipon:
Kanatiyesuwey Yut
Luhkewakon Ci Sipki
Ankeyasik ‘Sanaqok
Motutuwakon Kisuwehkasisik

Maliseet - Wolastoqiy



nwmo

NUCLEAR WASTE
MANAGEMENT
ORGANIZATION

SOCIÉTÉ DE GESTION
DES DÉCHETS
NUCLÉAIRES

» **Ktahcuyukepon weci nankomi kehkimsiyeq**

Nikanatpaticik Kanatiyesuwihkuk kisi pkonomoniya Kanatiyesuwey accuwakon weci sipki ankeyutomeq kisaqotek 'sanaqok motutuwakon tuciw June 2007. Pemiyewik Adaptive Phased Management cu lihtasu kinkihqok luhkewakon tama utenok weli tahatomuhtit. Nuclear Waste Management Organization (NWMO) apenkasuwok weci panapotomuhtit naka pompawotuhtit psi keq weci peci lessik yut sipki luhkewakon naka pkonomoniya nit uten tan op wolitahatomuht psi keq.

Yut accuwakon wikhasu keq op ahcuwi lessik naka kotuwihtuhtit lamik puskonikon weci kisi woli punomuhtit Kanatiyesuwey kisaqotek 'sanaqok motutuwakon.

Koti wisoki ksawotu ipocil kci wikuwam tena ahcuwi lihtasu tan op mawsuinuwok kisokehkimsultihtit ciw skitkomiq naka utenol. Epaste oc nit ciw weci piluweyak ona kisokehkimsultihtit, naka mawi asitemtultiniya. Kessok oc ona kotokil luhkewakonol eyik ciw wisokewoluhtit. Sipki oc lukhotuwok.

NWMO 'totoli koseltomuwawa mawsuinu, mawolukhotimol, naka utenol weci aqami kcicihtuhtit ciw Kanatiyesuwey accuwakon tan op wolankeyutomuhtit kisaqotek 'sanaqok motutuwakon. Yaka piyemi nonomuhtit psi keq on oc yaqa 'papehcimaniya utenol weci ahkinuwehtuwahtit eli pawatomuht yut kci luhkewakon. Tan nihtol koti aqami nonomuhtit, mate cuwi psi keq ollukhotiwiyik.

Ciw nikt koti nankomi kehkinsultihtit, wikhomuwan:

Jamie Robinson

Director, Communications

Nuclear Waste Management Organization

22 St. Clair Avenue East, 6th Floor

Toronto, ON M4T 2S3

Canada

Tel: 647.259.3012

Fax: 647.259.3692

Email: learnmore@nwmo.ca

Website: www.nwmo.ca/sitingprocess



» **Ktahcuyukapon weci nankomi kehkimsiyeq**

» Keq nit kisaqotek ‘sanaqok motutuwakon?

Kehsikotonol tuciw Kanatiyesok ‘kisuwehkaniya potiyahtuwakon kisihtasik nit ‘sanaqok motutuwakon, iyuwok Ontario, Quebec, naka New Brunswick. Kehsok toke kisaqotekil mecal nisonol miliyanol.


Semahtuhtit nit kisaqotek ‘sanaqok motutuwakon eyik qasaktihikon nit, qenuk eci ‘sanaqok aluwi te samehtasu. Woliw tehp wen mehcine. Naka eci pihce ‘sanaqok nehpahawa tehp ona wecuwapasihtit nanatqol nanatqikotonol. Yut weci ahcuwi ankeyasik naka woli punasik askomiw.

Kanatiyesuwey ‘sanaqok motutuwakon sankewi woli punasu tokec, nihtool wikuwamol tama etolaqsomuhtit. Ototol Ontario, Quebec, naka New Brunswick etolihtasik potiyahtuwakon, naka Atomic Energy of Canada Limited (AECL) etolokehkimtsuhtit Manitoba naka Chalk River eyik Ontario.

Tahalu te kotokil pihcetu eyikil utenol ewekehtit ‘sanaqok motutuwakon, Kanatiyesok totoli nikanapasultuwok. ‘Totoli tpitahahomuniya tan nit ankeyasu toke naka askomiw. Naka tena weckuwapasultuhtit ipocil nekoma oc ahcuwi ankeyutomohtuhtit solahkiw. Psite wen nit ahcuwi tpitahatomon weci kisi wolotakhottiyeq ciw mawsuwinuwok naka ktahqomiq. Cuwi koluwot keq ollukhotiyeq.



Kanatiyesuweyal
motutuwakonol kisaqotek
lamiw CANDU sapskot
tuciskekon ehpahsi mitol naka
qocitkikon nisinsk cel nan.



Toke kisaqotek 'sanaqok motutuwakon ote lamiw olonaqeyal paksol eyik Ontario Power Generation's Western Waste Management Facility

» Keq nit kisaqotek 'sanaqok motutuwakon?

» Kanatiyesuwey Accuwakon

June 14, 2007 Nikanatpahticik Kanatiyesok 'kisitahtomuniya Adaptive Phased Management weci skat utomeyuwahtit mawsuwinu naka skitkomiq naka weci ankeyutomuhtit kisaqotek 'sanaqok motutuwakon.

Adaptive Phased Management nit piyemi wolessu ci etoli accikotonahtit mawsuwinuwok, weckuwaspasihit ktahcuwi nisuluhkaman weci kisi ankeyutomeq Kanatiyesuwey kisaqotek 'sanaqok motutuwakon.

Yut acuwakon itomuwiw ell sanaqok motutuwakon ahcuwi otek lamkik puskonikon ponapsqihkuk. Kenuk yut acuwakon cuwi nonasu pom i nankomapasultihit. Cuwi accessu nituwihtit.

Adaptive Phased Management

- » Tehpu tehc pesqon koti otek weci puskonomuhtit kisaqotek 'sanaqok motutuwakon. Nit oc lamkik ponapsqihkuk.
- » Mesq nit ihiq, cuwi nihkanapasuwok naka tptithasiniya sipki tokkiw otek.
- » Koseltomuwaniya mawsuwinuwok naka utenol weci nonamuhtit keq koti lessik.
- » Ahcuwi mahkiyw puskonasic, cu koseltomuwaniya.
- » Wolessu op kisi sipki ankeyasik kisaqotek motutuwakon.
- » Wesuwe koti naciptuhtit nit kisaqotek motutuwakon 'kisihp wihqehtuniya ciliw tawi piyemi ankeyasik.
- » 'Punomoniya man naka sipki 'tapenkanomoniya wec nit kisi woli ankeyutomuhtit kisaqotek 'sanaqok motutuwakon.

Adaptive Phased Management nit kisi lihtasu tuciw Kanatiyesik kisi maqahawolotihit naka nisewestuniya. Tahalu te nit kisi lessik wahta piliw kis etoli luhkatomuhtit nit 'sanaqok motutuwakon, Sweden, United Kingdom, Finland, naka France. Nihkanitahasuwiw nit Adaptive Phased Management weci sipiki ankeyasik kisaqotek 'sanaqok motutuwakon. Nit eli pawotomuhtit Kanatiyesok weci kisessik naka wolessik.



» Luhkewakon Wikhasik

Kinkihkon yut luhkewakon naka motuweyu, tahcuwi lihtuniya puskonikon lamkik naka wikuwam tan op wisoki kcicihtuwinuhticik koti lukhotihtit. Ahcuwi ote tama utenok wolitahatomuhtit.

Yut lamkik eyik puskonikon ote weci kisi sankewtek kisaqotek ‘sanaqok motutuwakon sipkiw. Tolihuniya oc walooq 500 mitolol ekitasik, Ktahqomiq koseltomut. Ote oc nit kessok lamsoqol nit punasik. (lapotomun yet niqiw)

Kisaqotek ‘sanaqok motutuwakon oc punasu lamiw yuhtol kisihtuhtit ciw nit, sakoleyik olonahqeiyal paksol. Toliptuniya oc nit puskonikonik tama apc eyik kotokil paksol cuwi pisi punomuhtit. ‘Temehki punomoniya oc nit lamkik naka ‘toliptuniya oc pesq lamsukuk. Ote oc nit walooq ponapsqey naka ‘tosehkehtuniya nit lamiw. Tupqan oc ona punasu weci ska suhkolihek, kis yut ‘kisi toqecehtuniya piliw, nit piyemi wolessik.


Yut kisaqotek motutuwakon oc topinomuniya kekiw. ‘Kisi oc apc naciptuniya koti nit ollukhotihtit solahkiw. Matec kopotehtasiw yaka uten, NWMO, naka nikt nihkanpawotuhtit wolitahatomuhtit. Mehc otec kenoq tpinasiw.

Psite yut luhkewakon, pemiptasik kisaqotek motutuwakon eyik tokec tokkiw koti pisi punomuhtit, oc ankeyasu, nikt Canadian Nuclear Safety Commission (CNSC) koti tpinomuniya qeni nit otek – ‘cimaciw etoli lihtasik, etoli pompawotasik, tokkiw conehtuhtit. Yut luhkewakon cuwi koluwot ciw wolomulswakon, sankewte naka ma ‘sanaqotu ciw Kanatiyesok naka skitkomiq. Cuwi ten skat tuwehkawoniya ciw matonakhotimok.

Ote oc ona nit wikuwam ciw kisokehkimsultihtit ciw kamputulol, skitkomiq, naka utenol. Yut oc etoli nisoluhkamahtit kotokik etolokehkimsultihtit piluwey.

Yut wisuki ksawotik luhkewakon ‘koti sipki luhkekewa wisokeluhtit mawsuwi ewikihtit nit utenek naka wecuwaw. Nisolukhotuwok oc sipki nit uten, wecuwaw naka NWMO weci woluhkewik psi keqsey.

- » Yut Iuhkewakon nituwiniya ktahqomiq skekok 100 (250 acres) naka pitokok ciw wikumamol naka tusanol. Cipotu tena apc kekesk wiwonow nikt nihkanpawomuhtit nituwihit.
- » Nit olu lamkik eyik nituwiniya ponapsqihkuk skekok 2.5 naka pitokok 1.5 kolamitol (375 hectares/930 acres) naka waloq 500 mitolol. Tahcuwi op NWMO tpelomoniya ewepi ktahqomiq naka waloq, kenuk op ona piluwitasuwok cuwi ollukhotihtit.



» Elipkonasik Uten

Tan op eli pkonkonasik uten koti otek nit puskonikoniq, weci sipki ankeyasik kisaqotek 'sanaqok motutuwakon Kanatyesuwhuk; yut ote weci woli ankeyasik kessok ahcuwi lapotomuhtit naka wolitahatomuniya.

Elapotomeq keq Kanatiyesok itomuhtit, yut eli pkonasik uten cuwi mawi wolitahatomonen psite kilun. Cuwi nuhsuhkmonen woli pomiyewik yut Kanatiyesuwhuk. Peciyewiwol yuhtol kisi panapotomeq tan piluwey kisi lessik. Yut oc kilun nuhsuhkomeq.

NUHSUHOMEQ WOLIPOMIYEWIK

Cuwi Sakolomomqot

- » Tomk mawsuwinuwok naka skitkomiq ahcuwi ankeyasuwo.
- » Ahcuwi olukhotimok knuhsuhkomonen.
- » Piyemi kcicihasik oc wehkiyeq.

Nihtol utenol 'tahcuwi wolitahatomiya psi keq

- » Nit uten tan cuwi pecitahatomuniya eli nekomaw koti wihqehtuhtit yut luhkewakon.
- » Tehpu te nihtol utenol oc pkonasik ciw yut luhkewakon.
- » Nihtol tena utenol kisi ehqi nisolukhotuwok, katop 'kisehtuwawoniya.

Sipki nulankeyuwantomen nit uten

- » Nit uten cuwi apenkuwawa man.

Cuwi Kotokil utenol topitahaman

- » Papehcikesuwakonol naka tomitahsuwakonol cuwi asitemtuwasuwol ciw nihtol uten wecuwaw ipocil pomoqitupon oc nit.
- » NWMO tena oc topitahamawa nikanatpatomuhtit nit Ktahaqomiq.

Cuwi skicinuwok naka tpeiltomutit ankeyasu

- » Eli koti ankeyutomeq skitkomiq naka mawsuwinuwok, cuwic tena skicinuwok. Yut luhkewakon cuwi tptahatomuniya eli yut skicinuwihuk nake eli tpeiltomuhtit ewikultihtit ci ka ska nikanatpahticik wolamsotomuhtit.

TPASQOTIKONAL ELAPOTOMASIK

Yut keti nuhsuhkomeq kisi accehtasu pawotomuhtit mawsuwinuwok pawotomuhtit.

Aceyipon	NWMO kisuwikhomoniya tan op nankomapsiniya. Kisi milaniya nikanatpahticik cipenuk naka Kanatiyesuwhuk, skicuwi mawolukhotikonol, naka Kotokik ahcuwi kcicihtutit.
Amsqahsewey	NWMO mace kehkimawa kotoki, 'tasitemawa papehcikessihtit, naka 'tiyawa keq koti ollukhotihtit.
Nisewey	Utenol cuwi yuhukun eli koti aqami kcicihtuhtit ciw keq pawatomeq.
Nuhuvey	Nikt keti kcicihtuhtit oc mace nonuwan naka papehciman keq nit eyik nuluwiw.
Newey	Nikt keti kcicihtuhtit naka nikt wecuwaw ewikihtit papehciman weci maqahawolotihit naka topitahatomoniya keq op lessik.
Naney	Uten tan op keluwahk ciw nit pukonikoniq cuwi pecitahasultuwok eli koti ihihtit nit luhkewalon.
Komahciney	NWMO naka nit uten mawi pecitahasihit mace nisolukhotuwok.
Oluwikoney	Kotokik nikanatpahticik ona tahcuwi nonomoniya eli yut uten keluwahk naka wolitahatomiya mesq psi wen mace luhket.
Oqomulciney	Mace lihtasu oc psi keq wikuwamol naka tusanol.
Egonatekuwey	Lihtasu naka pom pawotasu.

Yuhtol koti nuhsuhkomuhtit apc otel wikhikonok eliwihtasik "Moving Forward Together: Process for Selecting a Site for Canada's Deep Geological Repository for Used Nuclear Fuel", ote ten kompiyutolok kosona kpocitahkewkuniya.



Wolankeyasuwok Mawsuwiniuwok naka Ktahqomiq

Tan te uten pkonasik weci yut puskonikon inihtit ahcuwi koluwot weci kisi sipki pisehtasik kisakotek ‘sanaqok motutuwakon. Nit oc ahcuwi sakolinaqot weci skat wapolessik keqsey. Cuwi psi wen ankeyasu weci koluwahk cimaciw toke tokkiw wecuwapasihtit pomawsulttit.

Weci kisessik nit lamkik puslonikon naka sakolonasuwol nihtol kisaqotek ‘sanaqok motutuwakonol, cuwi op kocichtuniya tan likon nit piyemiyak, tan eli wissekonasik, naka tan tucikolowot nit pomapsqihkuk wołoq eyik.

Nit ehtek ahcuwi qecheatasu apc qecheatasu tokkiw ote psi qecheatasulttit wolitahatomuhtit. Cuwi kehkimaltuwok, naci panapotomuniya, naka woli kicichtuniy eli psi keq koluwok mesq keq lihtasik. Yuhtol ahtoli qecheantuhtit tokkiw psi te wen wolitahatok.

Nit koti otek ponapsqihkok kolowot ktahkomiq, ma samqaniw, ma otew olonahqey kosona kotokil motutuwakonol tehpu te ponapsqey pawotomuhtit nikt Canadian Nuclear Safety Commission naka elokimiht International Atomic Energy Agency. Nekomaw kecicihtuhtit tan oli pomiyewiw piluwi skitkomiquk.

Papehcikesuwakonol 'tasitemtomuniya:

- » Koluwot nit ponasq eyik weci sipki sakqonasik nit kisaqotek 'sanaqok motutuwakoney weci skat utomeyawotasik ktahqomiq naka mawsuwinuwok cikawote ehsaqiw keq lessik?
- » Koti nit ponapsihkuk sankewote wisoki sipkiw cikawote metkomikessik kosona apc pitoki puniwik?
- » Wolahte nit weci kisi sankewi lihtasik puskonikoniq, pom pawotasu naka nokka kpahasu?
- » Kisi op kotokik mawsuwinuwok ksiyapasuwok solahkiw tahalu koti laloqikahtit ciw olonahqey?
- » Kisi op wolynomomenen nit ktahqomiq eyik weci nomihtuveq eli op sipki otek nit punomeq?
- » Kisi op sankewi peciptunen nit kisaqotek 'sanaqok motuwakon nit puskonikoniq koti otek?



»» **Sankewawtluuwol Utenol**

NWMO itomuk eli oc sipku wolaneyutomuhitit nit uten tan koti ihihtit nit puskonikon, qeni lihtasik cu psi keq woli pomiyewiw ciw psi te wenik.

Yut luhkewakon koti pompawotasu weci sipki wolessik ciw psi mawsuwinuwok naka ewikihtit.
‘Papehcimawa oc keq nituwihitit naka keq koti ollukhotihtit. Yuhtol tahalu:

- » Weci kisi paqahtuhtit man
- » Ktahqomiq
- » Weci wolessik naka kisesik pompawotasikil
- » Skicinuwewayal
- » Cocahqeyal
- » Weci wolawsultihtit
- » Peciyewewiwl wolelomoqakonol

Yut luhkewakon otek cu peciptahsu kotokil luhkewakonol naka man ciw nit uten, naka wiwoniw ewikultitit. Elkihqok kenuk yut naka sipkiw, cipotu keq lessu, nit weci ahcuwi sankewi pomawotasik. NWMO ‘koti nisoluhkamawa niih mawsuwinu. Nit tehc eyihtit qeni lihtasik.

NWMO 'koti nisoluhkamawa mawsuwinu weci toqite nomihtuhtit keq koti lessik naka tan oc 'tolu wicuhkemaniya qeni yut lihtasik. Koti kehkimaw keq op kisi lessik tahalu yuhtol:

- » elomulsultihtit naka elankeyasultihtit mawsuwinuwok
- » elomikok toqite skitkomiq naka yut ketowihtasik
- » qjihw naka piluwiw elukhotihitit naka paqahtahsihtit
- » uten pomawotasik naka tan pacitahasultihtit
- » weci skat wapolessit tan elawsultihtit naka skat ktoqessuwiw
- » skat tomeyutomuwoniya weyossisuk ewikultihtit naka tama otoli imiyawolotihit
- » Keq op wikuwamol nituwihtit weci luhkewakon woli pomeyewik
- » Tan op tahcuwi accessuwiw psi keq qeni lihtasik nit puskonikon
- » Keq op ahcuwi lihtasik (awtil, ankasuweyal, sopol) naka wikumol weci peciptasik nihtol keqil ahcuwi ihihtit qeni luhkamok, naka weci paciptuhtut nit kisaqotek 'sanaqok
- » Nihtol NWMO ahcuwi ihitit naka lihtuhtit weci kis pomawotasik naka psi keq wolessik. Wenik oc petapasihtit naka nit tolukhotiniya

» Wen Nilun?

Tuciw 2002, Nuclear Waste Management Organization (NWMO) kisihtasu, nikt Ontario Power Generation Inc. (OPG), Hydro-Quebec, naka New Brunswick Power Corporation 'kisihntuniy ipocil Kanatiyesuwey Nuclear Fuel Waste Act (NFWA). Kosehtuwaniya weci sipki ankeyutomuhtit kisaqotek 'sanaqok motutuwakon.

Nit NWMO etololukhotihtit mawsuwinuwok woli kcicihtuhtit, tahalu nutoluhkamat mawsuwinuwok, nuci testomowehtuhtit ktahqomiq, nutewestuwamahtit mawsuwinuwok, nutankeyutomuhtit man, naka nuci pompaotahsihtit. Kehsihtit nisoluuhkomahit tahalu nucinisoluhkatit, nuluwi luhkhotihtit, naka nutokehkimsultihtit. Toqite Kanatiyesuwhuk naka piliuwey tama. Ciw yut weci psi woli kcicihtuhtit keq wolessik naka kisessik.

Kanatiyesuwey sipki ankeyasik 'sanaqok motutuwakun weci kis wolaneyuwahtit mawsuwinu naka skitkomiq tokec naka askomiw.



NWMO 'tihiniya nanol welessikil:

» **Woleyuwakon**

Nulawsipon oc weci kisi woleyuweq kotokik, mate oc pakotahsiw, psi te oc wen nuleyuwa.

» **Piyemi wolessuwik**

Ntokehkims oc keqil piyemi wolessik, tawitahsuwakonol, naka piyemi kocihtuwakon weci kisi sankewoluhki.

» **Nisoluhkaman
kotokik**

Koti nisoluhkamak kotokil utenol naka masuwinuwok weci kisi nutuwok naka nostomonon tan elitahasihtit. Nisewestupon oc weci wolessik ciw toqite nilun.

» **Wolotahk oc**

Wapolessik keq, nil oc aqimki. Nil nit ahcuwi tpinom weci psite keq woli pimiyewik, naka wolessik.

» **Esankopatas oc**

Matec keq olluhki katuwon. Psi tehc Kanatiyesok kocicuhtuniya keq iton, keq kisitahatom, naka keq kisi luhkatom.

Ankeyasik nit kisaqotek 'sanaqok motutuwakon koti sipkiyewiw. Kessok ahcuwi kcicihuweq naka lukhotiyeq. NWMO koti tpostuwawa mawsuwinuwok naka nisoluhkamaniya Kanatiyesok. Toqite 'cuwi niktanapasultipon, nisewestultipon qen pimiyewik psi keq. Kilun yut ewikultiyeq.



>> FAQs

Keq nit Kanatiyesuwey luhkewakon ci sipki ankeyasik 'sanaqok motutuwakon kisuwehkasik?

Tuciv 2007, nikanatpatomuhtit Kanata kisi pkonomiya Adaptive Phased Management weci kisi sipkiw ankeyuwahtit mawsuwini naka skitkomiq. Yut oc yaq elehtasik kisaqotek 'sanaqok motutuwakon. 'Koti puskomumiya walokuk kenoq ahcuwi lihtasu wikuwam weci kisi tpinomuhtit nit puskonikonihq. Sipkiw, tehc mesq psi kisehtasik. Tahcuwi wolitahatomuniya ewikihtit nit utenek ipocil nekoma oc wewomotomuhtit. Cu kenuk wicuhkemawa kcicihuwinuhticik.

Wenik apc yut etoli ollukhotihtik piliw?

Wisokeluk piluwiw kis etoli luhkatomuhtit yuhtol puskonikoni. Ankuc keka kiseyuwok. Kantiyesok tolapomawa ci keq wolessik. Nit oc ona nekoma elluhkahtit. Tahlu te Sweden, Finland, France naka United Kingdom.

Keq ahcuwi lihtasik ciw yut luhkewakon?

Ahcuwi lihtasu puskonikiq tan op kisi punomuhtit nit kisaqotek 'sanaqok motutuwakon, ahcuw walooq 500 mitolol lamiw skitomihkuk. Ahcuwi ona nit otetol wikuwamol ciw nikti etoli tpinomuhtit nit puskonikon naka ciw utapakonol ewehketit. 'Koti na kehkimawa kotoki tan psi pompawtusu.

Kehs oc motahkomiq ewehketit?

Ciw yut luhkewakon nituwinya oc 100 hectares (250 acres) ci lihtasik wikuwamol naka tusanol. Ciw puskonikon nituwinya walooq 2.5 kilometers pihtuiw naka 1.5 kilometers skekiw (375 hectares/930 acres). Lamkik oc 500 meters.

Kehs oc utapakonol nituwihit?

Weci nit macehtasik kosona peciphasil ahcuwi nihtol kisaqotekil 'sanaqok motutuwakonol liptasuwl nit puskonikoni. Tama nit otek cuwi oc wehkasuwol awtil, ankasuweyal, naka wanokinol. Wehkasuwol kenoq kis yuhtol. Cu kenoq wisoki ankeyasultuwok nit pemiptasik. Nit eli pawatomuhtit Transport Canada naka Canadian Nuclear Safety Commission.

Tan oc oli ankeyasuwock mawsuwiniwok naka kci kikuwosson?

Kehsok ahcuwi lessik weci kisi nit ankeyasik 'sanaqok motutuwakon. Nit puskonikon naka pisi punasikil wolihasuwol weci kisi kapuwitasik tan op wopolessik. Nit puskonikon ahcuwi ote ponasqihkuk lamiw skitomihq. 'Punomoniya oc nit keqsey kisi pukonasik nihtol paksisol. Kis nit kisi qechehtuniya piliw, kisessu, neqt nit lamiw otek on oc apc topinomuniya.

Tan oc toli tpinomuniya?

Yut luhkewakon ahcuwi wisoki tpinasu. Weci kisi sankewi tahasultihtit mawsuwiniak naka weci skat tomeuyuwut kci kikuwosson, tokec naka askomiw. Nit oc Canadian Nuclear Safety Commission ahcuwi luhkotihtit, naci oc panapotomuniya weci psi keq kisessik naka wolessik, qeni pompawtasik. Nekoma ahcuwi woleyutomuntit psi keq. Nikanatpahtitit Kanatiyesok, ewehketit Natural Resources Canada topinuwawa NWMO weci luhkotihtit keq 'Nuclear Fuel Waste Act' itonuwik.

Tan toli pecitahatomuniya eli koti pkonumuhtit uten tama nit puskonikon koti otek?

Nisikotonol, kisi papehcimawa Kanatiyesok tan op 'toli pkonomoniya nit uten. Kehsihitit kisi milahtit NWMO tan elitahtasihit, cuwi yaq leyu, ma pakotahsiniya naka ma pahculaniya, tahcuwi yaq psi wen kocicichtun keq pemiyewik. NWMO ci kehkimsuwok nikt kotokik kisi pkonomuntitit piliw naka yut ewikuliyeq.

Kis NWMO kccicihtuniya tama yut puskonikoniq koti ote ciw yut luhtewakon?

Ontama. 'Totoli toke kiluwaitomuniya nit uten tan op nit koti otek. Kenok nikt mawsuwinuwok ahcuwi liyamahtit. Mate nekoma koti kosehtuwawoniya wen. 'Tokehkimawa oc koti aqami kcicihtuhtit ciw NWMO, Adaptive Phased Management naka puskonikoniq ciw 'sanaqok motutuwakon. Koti kcicihtuhtit, mate tahcuw ihiwoniya.

Kis NWMO kocicichtuniya tama op skat kisi otek?

Ntama. Kehsok Kantiyesuwhuk tan op nit kisi otek naka sankewi tpinasu. Kenuk tahcwi woli kcicihtuniya saku pol ahcuwi testomuhtuniya ktahqomiq nit ponapsqihkuk, mesq keq elihtasik.

Keq op wolessik ciw nit uten naka wiwoni ktahqomiq koti ihihtit yut luhkewakon?

Cu sipki nisolukhotuwok uten, wiwoni ktahqomiq, naka NWMO. Toqite oc ankeyasutultuwok naka wicuhkemtuwok. Etolii htahsisik nit, wisokeluk oc sipki lukhotihtit naka paqahtuniya man.

Tan oc yut luhkewakon lapenkasu?

Nuclear Waste Management Act papehcikesuwiw weci nihkani tahatomuhtit keq koti lessik, keq koti ollukhotihtit, naka keq koti luhkatomuhtit. 'Tapenkatomuniya oc nikt tepeltomuhtit kisowehkasik 'sanaqok motutuwakon yut Kanatiyesuwhuk: [Ontario Power Generation, NB Power, Hydro-Quebec, naka Atomic Energy of Canada Limited]. Yuktok tahcuwi wolipunomoniya man ehtahsi apcikoton weci kisapenkasik psi keq ahcuwi luhkasik. Ahcuwi tena NWMO toluhkatomuniya keq ahcuwi luhkasik naka kehs op psi keq lawotik, naka 'tiyania niktok kehs ahcuwi woli punamuhtit.

Tan op toli aqami kcicihtun keq nit Kanatiyesuwey luhkewakon ci 'sanaqok motutuwakon?

NWMO totoli papehcimawa mawsuwinuwok, mawolukhotihtit, naka utenol weci kakalumahtit koti kcicihtuhtit tan oc oli wehkasu kis kisaqotek 'sanaqok motutuwakon. Koti nekomaw puskonomuhtit, tokehkimawa oc keq ahcuwi lessik. On oc 'papehcimaniya koti nakomiw lukhotihtit naka 'tolihuniya nit pukonikon.

Koti aqami kcichtuweq ciw yut psi, kakaluman:

Jamie Robinson, Director, Communications

Nuclear Waste Management Organization

22 St. Clair Avenue East, 6th Floor

Toronto, ON M4T 2S3, Canada

Tel: 647.259.3012 Fax: 647.259.3692

Email: learnmore@nwmo.ca

Website: www.nwmo.ca/sitingprocess



www.nwmo.ca/sitingprocess

For more information, please contact:

Jamie Robinson Director, Communications
Tel 647.259.3012 Fax 647.259.3692
Email learnmore@nwmo.ca

Nuclear Waste Management Organization

22 St. Clair Avenue East, Sixth Floor
Toronto, Ontario M4T 2S3 Canada
Tel 416.934.9814 Toll Free 1.866.249.6966
www.nwmo.ca

